


Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2103 4° (LN 859 4° copy 2)






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2103 4° (LN 859 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2103 4° (LN 859 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2103 4° (LN 859 4° copy 2)

Nº 2103.



K. v. d. d. d. d. d.



LN 859

2103

IN EBRIS
IO IN MEMORIAM SE.
Regis Danorum &c. Christiani Tertij Ec
Christi Fidelis nutricij & patris patriæ
dulcissimi, scripta & recitata à Nicolao
Hemmingio in Academia Hafniensi
13. Februarij Anno domini 1559.
quo tempore funus sanctiss
mi Regis Othoniæ
Humatum
est.

Psal. 115.

Preciosa in conspectu Domini mors
sanctorum eius,

Hafniæ
apud Christophorum
Barth.

L
ignori
ri, ne
(pro
mum
Eccle
nutric
torem
rem, in
ultanti
in hoc
& trif
Hunc
milioni
re pio
verbo
lia lun
fruat
conta
ligere
mund
Iudici
sapien
tu sub
mun
fordi
poeni
medit



L Vctum præsentis huius cœtus, & iustissimum
animi dolorem totius Reipub: Danicæ, haud
ignoro maiorem esse, quam vt vllius oratione lenis
ri, nedum tolli posse videatur. Amissus enim
(proh dolor) illustrissimum heroa ac clementissis
sum Regem nostrum, Patrem Patriæ, summum
Ecclesiæ Filij Dei in hoc miserrimo mundi statu
nutricium, fortissimum veræ religionis propugna
torem, inuictum pietatis omnis ac iusticiæ defensor
rem, in quem vnicum Ecclesiæ Christi hætenus ex
ultantes et lætæ, tanq̃ summum decus & præsidium
in hoc mundo respexerunt: Nunc autem gementes
& tristes deiecto vultu, lugent & plorant amissum
Hunc inquam amissus (imo nosipse reliquit ad
milia concedens) non sine maximo omnium ve
re piorum dolore & planctu. Cogitant enim p̃j
verbo Dei edocti, de singulari consilio Dei, qui ta
lia lumina ingratissimo mundo eripit, ne is eorum
fruatur conspectu, & quodāmodo suis maculis eos
contaminet & inuoluat. Norunt Deum iustos col
ligere, ne ea quæ imminet ceruicibus contumacis
mundi cogantur inuiti aspicere. Norunt iustissimi
Iudicis Dei iram ostendi, cum tanta pietate tantaq̃
sapientia pollentes gubernatores ē nostro conspec
tu submouet. Norunt deniq̃ quod Deus securum
mundum, & in vtramuis aurem stertentem, in suis
sordibus huiusmodi veluti flagello acerbissimo ad
pœnitentiam compellere consuevit: quam si seriam
meditaremur, haud dubiè nobis rursus suam pa

A ñ ter

ternam faciem ostenderet, ac misericordie sue atq[ue]
storge paterne memor, hunc ingentem luctum
magno commutaret gaudio. Quod vt fiat, O pa-
ter Coelestis toto pectore per mediatorem vnicum
Dominum nostrum Iesum Christum precor, cum
omnibus quibus vera pietas est cordi. Et si au-
tem ex infallibili voce Dei nobis persuasissimum
est, mentem illam beatam sanctissimi Regis, ex hac
turba & colluione infinitorum malorum, ac ve-
luti officina omnium scelerum opulentissima, ad coe-
tum illum tranquillum beatorum animorum, & ad
castissimarum mentium patriarcharum, Regum &
Prophetarum concilium migrasse, ac ibi gratissi-
ma, & optatissima requie cum Filio Dei Domino
nostro Iesu Christo frui. Huic enim nunc coram Fi-
lio Dei Rege Regum, & Domino dominantium
gratulantur Sanctissimi Reges, David, Iosias, Eze-
chias quod Christo sceptrum verbi sui pre'tendenti
homagium praestiterit, eum osculatus sit, ei cum ti-
more & tremore seruiert, & nunc seruiat, in eo
vnico exultauerit saluatore, ac tandem illi animam
sanguine Regis sui Christi tinctam moriturus com-
mendauerit: Tamen quia nos decet qui supersti-
tes sumus, & sub agentis nobiscum in hac vita fœ-
lici gubernatione beati fuimus, gratam memoriam
sanctissimi Regis nostri retinere: opere precium
existimaui nonnulla hoc tempore de optime de om-
nibus Ecclesijs Christi, & republica nostra merito
in medium adferre, non quod sperem me huius
Patris patriæ nostræ virtutes digna oratione profes-
qui

qui posse, quas is solus plures in vita sua spectan-
das exhibuit, quam Philosophi multi longis volu-
minibus complecti potuerunt. Nam vt Pindari
verbis vtar, singularum virtutum cacumina des-
cerpsit, vt qui non spectra virtutum sectatus est,
sed veris virtutibus supra omnes emicuit : adeo vt
exemplar virtutum omnium heroicarum & com-
munium illustre statui possit : de quibus sigillatim
dicere pro eius meritis, nec est mearum virium,
nec huius temporis ratio id pati videtur. Quare
ab historia integra totius vite sanctissimi Regis
texenda abstinebo, ac tantum ea breuissime at-
tingam, quę huic loco & tempori quam maxime
accommodata esse videbuntur. Quo autem
certum sit orationis nostrę initium, progressus, &
finis, potissimum eas, quibus in gubernatione ex-
celluit virtutes nobis admirandas proponamus,
idęq; adeo eam ob causam, vt semper dulcis grataq;
sit, nobis qui sub eius tutela viximus, tam sancti
principis, Patris Patrię suauissimi memoria. Tria
itaq; in vniuersum sunt, quorum curam pium
principem habere oportere, sapientes olim censue-
runt, ac hodie pñ omnes veterum censuram ap-
probant. Horum primum est societatis ciuilis pru-
dens gubernatio. Alterum Ecclesię conseruandę
studium. Tertium proprię domus honesta &
sancta administratio. In his enim tribus vt ples-
na principis cura continetur : Ita ad officium in
his prestandum summe virtutes & indefessi labo-
res requiruntur, adeo vt non frustra dixisse vi-

A in

deas

deatur sapiens Homerus. Haud decet principem
virum totam stertere noctem, cui populus commissa
sus est, & tanta negotia sunt curæ. Volo igitur bre-
uiter indicare potius quàm explicare, qualem se noster
sanctissime memoriæ, Rex innocens, & dulcis Pater
patriæ in his adeo arduis ac pene diuinis muneribus
prestitit, quo in maiorem virtutum nunquam satis lau-
dandi Regis admirationem excitetur, & magis
gratam memoriam tam chari Patris patriæ retineas-
mus. Primum itaque politica sanctissimi Regis guberna-
tio nobis est spectanda, in qua quomodo ad Regis
um fastigium peruenerit, quam feliciter regnum
adeptus idem administrauerit, quibusque rationibus
regnum sancte ac iuste partum in tam diuturna pace
tot annis vndique frementibus hostibus conserua-
uerit (quod sane non absque singulari beneficio Dei
fieri posse, omnes sani haud obscure intelligunt &
admirantur) altius perpendendum est. Quantum
igitur ad Regni possessionem attinet, longe alia ra-
tione regnum consecutus est, quam multi olim &
nostro seculo non pauci, qui non accersuntur ultro,
sed sponte inuitis se obtrudunt, ac armis quod iure
sibi minime debetur, violenter occupant: non aliud
profecto spectantes, quam ut quamplurimis imperis-
tare videantur, & late suum per orbem celebretur
nomen. Sed quid hic noster? Oblatum aliquoties reg-
num modestè recusauit, hoc sane stultum pronuncia-
asset Nero, sed Solomon laudasset factum. Prudens
enim cogitauit sapiens princeps, non sine maximis
curis rempublicam adeo late sparsam gubernari
posse, Quare potius optauit suam mediocrem or-

nare spari
se recipere
num dolo
totum re
natu huius
periclitari
morie. Fre
opem fera
ribus regni
rum ne re
Sciuit max
uit preclar
mane oper
precibus e
fidem se fa
ros regios
arma indu
superatis t
regio in ha
optimi Re
Marc' Cite
scientia rei
bor in neg
gendo, cel
do. Has v
ctor princ
tris habuit
dū: Quid
Quid non
mor' affli

nare spartam, quam maiora gubernationis onera in
se recipere. Verum postq̃ hostes quidam in hoc reg-
num dolo & fraude quorundam inuasissent ac pene
totum regnum occupassent, iterum sollicitatur a se-
natu huius regni sapientissimo p̃ssimus princeps, vt
periclitanti Patrię & vicinis(quibus olim beatę me-
morie, Fredericus primus Pater ipsius, Rex p̃fuit)
opem ferat, hostes coniunctis suis cum danorum vi-
ribus regno expellat, gubernationem horum regno-
rum ne recuset. Hic quid faceret p̃ssimus princeps?
Sciuit mandatum Dei esse prohibere iniuriam: scie-
uit p̃clarum & pium esse pereclitanti societati hu-
manę opem ferre. Quare victus honestate causę &
precibus eorum, qui ipsum sollicitarunt adactus, dat
fidem se facturũ quod petunt: pericula adit, thesau-
ros regio a Patre sibi relictos in militem expendit,
arma induit, hostes fundit & vincit: quibus victis &
superatis tandẽq; clementissime dimissis, diademate
regio in hac vrbe donatur. Hoc fuit auspiciũ regni
optimi Regis, in quo conspiciuntur virtutes illę, quas
Marc^o Cicero in bono imperatore inquirat, quę sunt
scientia rei militaris, virtus, authoritas, felicitas, la-
bor in negotiis, fortitudo in periculis, industria in a-
gendo, celeritas in conficiendo, consiliũ in prouiden-
do. Has virtutes vera pietate temperatas, socias, vi-
ctor princeps in depellendis hostibus a capitib^o nos-
tris habuit. Quid in his regni auspiciis non laudan-
dũ? Quid non potius summis extollendũ laudibus?
Quid non omnib^o p̃ss principibus imitandũ? pietate
mot^o afflictis opem tulit, fortitudine hostes repressit

A iij

cle

clementia victis pepercit, ac ita diadema à Deo sibi datum accepit, Id omnino sentiens quod apud Homerum dixit Achilles *ῥεονίω ἢ τελευτῶναι διὸς αἴση*, Cum ergo sciret Deum regna transferre & dare quibus illi visum fuerit, regnum à Deo sibi traditum gubernandum suscepit. Quod quomodo administraverit iam dicendum est. Postq̃ itaq̃ regnum iustè adeptus est, eius administrationem a pietate inchoandam piè iudicavit, id quod veri Regis officium esse etiam agnouerunt prophani Philosophi inter quos Xenophon suum Cyrum precipuam religionis curam habuisse testatur. Cum vera pietate coniunxit gubernator foelix sapientiam, iusticiam, clementiam, fortitudinem animi inuictam, studium pacis, fidem, liberalitatem, paternum affectum erga subditos, & alias præclaras & heroicas virtutes pene innumeras. Sapientiam summam cum sapientissimo senatu regni in legibus, in iudicijs, & reliquis actionibus ad prudentem administrationem spectantibus adhibuit. Iusticia eius refulsit *ἐν τῇ τιμῇ καὶ τιμωρίᾳ* non ignorans Deum qui summe est iustus iustis favere, & tanq̃ parastaten ipsi adesse, qui iusticiam colunt, iuxta vetus poetæ dictum, Qui colit iusticiam Deum in acie socium habet. Hanc iusticiam clementia temperavit, qua nihil laudabilius, nihilq̃ magno & præclaro viro dignius esse potest. Hæc clementia fecit vt magis venerendus quam metuendus suis fuerit subditis. Clementia enim vt benevolentiam veram conciliat: Ita facit ne princeps a suis sibi metuat subditis.

Vnde

Vnde Tragicus latinus recte dixisse censendus est,
 cum ait, magnum timoris remedium est clementia :
Cum contra qui sceptrā duro sœuus imperio regit,
 timet timentes & metus in autorem redit, quem
 admodum idem testatur Poeta. Nam tametsi me-
 tus principis adulationem & simulationem parere
 potest : tamen verā beneuolentiā coniunctam nunq̃
 habuit. Vnde Democrit^o ὁ φόβος κολακίαν τίκτει,
 εὐνοίαν δὲ οὐκ ἔχει. Hoc est, Metus adulationis
 mater beneuolentia destituitur. Hęc clementia sans-
 ctissimi Regis omnium oculos in se conuertit : des-
 siderarunt absentem : amarunt presentem : admi-
 rati sunt loquentem : obtemperarunt haud inuite
 imperanti : gubernāti vitam & fortunas subiecerunt
 suas : breuiter hęc Regia clementia omnes incolas
 regni arctissime illi copulauit, exteros Reges & prin-
 cipes multos & illustres, in procul dissitis regionis
 bus ad perpetuum fœdus ineundum cum illo inui-
 tauit, breuiter hęc clementia Serenissimo principi
 veram beneuolentiā omnium, ac siorgam quan-
 dam qualis liberorum erga parentes esse soleat, cons-
 ciliauit. Fortitudo quoq̃ animi huius Regis quā-
 fuerit inuicta, res ipsa ostendit. Nam cum sœpe
 hostes propemodum finibus regni imminerent po-
 tentes & multi, exemplo sanctorum Regum armis
 rarissime, sepissime precibus eos superauit. Vt enim
 chariorem habuit subditorum salutem, quam vt
 temere ipsos hostibus obh̃ceret trucidandos : ita for-
 tius presidium in precibus quam in armis colloca-
 uit : Non solum exemplum Dauidis secutus qui

B

ait

ait : Hi in curribus, hi in equis, nos autem nominis
Domini Dei nostri recordabimur: sed etiam Solo-
monis (qui p̄ssimi Regis sapientissimus Filius fuit)
sententia fretus, qui spiritu Christi per ipsum lo-
quente ait : Turris fortissima nomen Domini, ad
eam confugiet iustus & liberabitur. Nec hac sancta
frustratus est fiducia, qua veluti fortissimo p̄sidio
& regnum suum tutatus est, & grauissima pericula
a nostris cervicibus depulit. Huic fortitudini con-
iunctum erat in sanctissimo principe studium pacis,
tantum, quantum in v̄llo mundi principe fuisse pro-
ditum est. Sciuit enim pacificus princeps, nihil pace
optabilius esse in humana vita. Sciuit pacem fouen-
dam vt pie & Sancte inter homines viuere liceat.
Sciuit quod est apud Euripidem, religionis nullum
locum esse, vbi armorum strepitus nunquam non
terrificat homines. Alij principes multitudinem tro-
paeorum relinquere suis posteris gloriosum ducunt;
Verum hic noster, cuius consilia vera pietas & amor
patriæ rexit, iuxta grauissimi Philosophi Xenos-
phontis sententiam, honestius esse arbitratus est
multitudinem beneficiorum q̄ tropaeorum postes-
ris relinquere. Ex quo & hæc laus ipsi merito de-
betur, quod facile omnium principum mundi pac-
torum & foederum obseruantissimus fuerit. Nam
nulli vnq̄ fidem datam violauit, non technas &
fraudes excogitauit, quibus foedera violare posset.
Vt ergo dolo & fraude omnibus m̄di principibus
inferior: ita fide & pactorum constantia cunctis su-
perior absq̄ controuersia fuit. Pietate enim suas-
dente,

dente, & socijs fidem datam seruauit immotam, &
subditis fidelem & constantem se perpetuo exhibu-
it, statuens non tam ferro, quam fide & pactorum
constantia, et imperitum & principem securum red-
di. His virtutibus in gubernatione adiunxit libera-
litatem vere Regiam, quam non solum in suos be-
nigne, verumetiam in peregrinos gloriose exercuit.
vtrumq; enim vere regium putauit, & nemini no-
cere contra leges, & nemini non prodesse cum legis-
bus. Huius regie liberalitatis multi pii non solum in
his regnis et ditionibus, verumetiam in exteris na-
tionibus sunt testes. Neq; enim satis est, si Rex in
suos fuerit munificus, sed oportet etiam in peregris
nos esse liberalem, vt vere de ipso dici possit illud
qd in summis laudibus Thesij Regis Atheniensium
posuit Euripides ὁ ἀγαθὸς βασιλεὺς καὶ μέγας φίλος, Hoc
est, Beneficus et mortalib; magnus amicus. Ex his
præterea haud obscurum cuiq; esse potest, quam
fuerit bene et amanter erga omnes affectus, vt qui
erga subditos suos sicuti pater benignissimus, er-
ga socios et confœderatos tanq; frater extiterit.
Verum vt rem vniuersam in angustum colligam:
Hic rex noster re et nomine Christianus, studia o-
nia et facta, Dei lege, nature regula, iuris norma
et Charitatis consilio omnino metiri et temperare
conatus est. Talis prorsus fuit in tota sui regni
administratione, qualem depingit bonum princis-
pem Homerus, his versibus.

Βάλλω μὲν πρῶτον μετὰ δόμων ἵζε μενόντων
λαῶν, οἷσιν ἀνάσσει, πατὴρ δ' ὡς ἥπιος ἦν,
ὅντε πνὰ ῥίξας καλὸν ἔξετον, ὅτε τὴ εἰπὼν
ἐν δῆμῳ, ἥδ' ἐστὶ δίκη θείων βασιλῶν.

Hoc est,

Primum consilij causa, stabilito senatorio ordine, populis quibus imperavit tanq̃ blandus pater praefuit: nemini quicquam mali fecit per iniuriam, de nemine in republica male locutus est, quod sanè ius diuinorum Regum & officium existit.

Attigi haecenus quomodo regnum adeptus sit, et quo pacto acquisitum regnum administrarit sanctissimus Rex. Iam paucis reuocandum est nobis in memoriam quibus praesidijs adeo diuturnum imperium contra hostes, qui saepius tentarunt hoc regnum inuadere, conseruarit. Veteres philosophi dixerunt regna conseruari ἐνεργεσία τῆς καὶ τιμωρίας. Hoc est, beneficentia, honorum tributione, & puniendi fontes cura, hoc quidem vere dicitur, si ipsos ciues solummodo, & non externa pericula spectes. Verum si hostes consideres nihil verius dici potest, quam quod Seneca dixit: Nulla vis maior pietate vera. Hoc Pietatis praesidium tantum fuit in hoc nostro heroe, quod nec aperti hostes, nec simulati amici (quales credo ipsum aut nullos aut per paucos habuisse) superare potuerint. Hac hostes vicit, hac subditos in officio continuit, hanc in consultatione adhibuit, hanc iudicijs praefecit, hac sententiam temperauit. Deniq̃ in omnibus ipsius actionibus summum refulsit pietatis decus, Hoc pietatis studi-

studium effecit, vt externi amici sociq; indies plu-
res sint facti, incolarum, nobilium & ignobilium
beneuolentia creuerit, ipsius prudentia in regno
administrando incrementa acceperit, quibus tribus
hoc est, amicorum uirtute, ciuium beneuolentia, &
Regis prudentia regna & Reges conseruari pro-
nunciauit Isocrates. At si istis veram pietatem præ-
fecisset moderatricem, pleniorẽ & firmiorem con-
seruandorum regnorum Regulam tradidisset. Qua-
re nos pietati optimi Regis (cui reliquę virtutes
ancillabantur) acceptam tam diuturnam regni con-
seruationem feramus. Haftenus de prima cura
principe viro digna, quã habuit Serenissimus prin-
ceps dixi, & breuiter ostendi quomodo principas
tum adeptus sit in his regnis, quo pacto rexerit para-
tum regnum, idemq; in adeo tranquillo statu tanto
tempore conseruauerit: Nunc quod secundo loco
proposui de cura religionis, breuius attingam: tum
quia nonnihil de ea superius attigi, tum quia nulla
oratione satis explicari nedum laudari potest. Sta-
bilito itaq; regno, piẽ & sapienter intellexit, ad tu-
endum saluum atq; integrum statum reipublicę, an-
te omnia religionis curam habendam esse: Quod etis-
am prophanus Aristoteles, (et si nesciret verę reli-
gionis rationes) intellexit necessarium esse. Quanto
quæso magis eos magistratus, qui Christiani haberi
volunt, vt cultui Dei suus constet honos, præcipue
laborare decet: siquidem huius vera cura plurimo-
rum bonorum causa est, & contra contemptus, has
quas multis perpessi sumus seculis calamitates, nobis

inuexit. Hic enim cōtemptus domestica auget mas-
la, dissensiones, lites, concertationes, idololatriam, ho-
micidia, latrocinia, periuria, & quid non mali? De-
us ut contemptum sui puniat, immittit pestem, hos-
tes extraneos, tempestates, & alia suę iustissimę ire
flagella. Neq; dubium est quin religionis verę con-
temptus ipsam crudelem turcarum gentē in Chris-
tianum orbem excitarit. Hęc tot & tanta mala a se
homines non possunt auertere, prius q̃ religio recte
procurata sit, & hac instaurata vita hominum in
melius fuerit commutata. Hoc ergo cum intelligen-
ret sanctissimę memorię Rex noster, præcipua arma
sicuti antea attigi, tuendi regni in vera religione po-
suit: atq; ideo omnium primum eius curam habens
dam duxit. Plurimum errant omnium sanorum ius-
dicio, qui religionem ad principes haud pertinere
arbitrantur, sed de ea debere pontifices statuere &
vulgo præscribere quicquid libet. Nam hoc contra
omnium gentium morem, cōtra Israeliticam politis-
am, & contra omnium sanctorum imperatorum &
Regum exempla sacrilege & impie asseritur. Aris-
toteles de moribus gentium locutus, testatur sacra-
folis Regibus relicta esse. Plato in Repub: magistra-
tui suo cultum Dei et ministerium sacrorum man-
dat. Moses idololatriam iam factum summum pon-
tificem corripit ac instrumentum idololatrię con-
fringit. Præterea esse proprium Regium munus
religionis curam habere, intelligit is qui vnde po-
testas regia occasionem et initium sumpserit, ani-
mada

maduertit. Negare nemo potest quin patrisfamilias
 præcipua cura religionis esse debeat. Iam a propa-
 gatione familiarum occasionem sumpsit Regia
 potestas. Familias primum rexerunt qui ætate et
 sapientia anteirent ceteris: atq; ideo etiam summo
 fungebantur sacerdotio. Deinde postq; in ciuitas
 tes excreuerunt familiæ, loco patrumfamilias ip-
 si Reges præerant. Cum igitur patrumfamilias
 vice funguntur Reges, decet profecto, vt veluti
 patres familias primam et præcipuam religionis cur-
 ram habeant, vtut contra insaniant Cyclopes et
 pontificij τῆ γαστρί ἐ τῆ ψυχῇ σώδουντο vt plutarchi
 verbis vtat: nã illis non lex Dei, sed voluptas carnis
 vitæ norma est. Cum igitur Regium munus esse con-
 stat religionem veram inter homines propagare,
 summis laudibus Regis nostri clementissimi ascri-
 bendum est, quod a religionis veræ cura imperium
 suum exorsus sit. Verum vt status in religione fir-
 mior et diuturnior esse posset, primum sapienter
 non sine sapientissimo senatus Danici consilio veræ
 religionis impedimenta amouit, idololatriam pro-
 hibuit, missas et prophanationes cœnæ Dominicę
 aboleuit, pios Ecclesiis gubernatores præfecit,
 Scholam hanc Haffniensem tanquam officinam pie-
 tatis ac honestatis erexit, Doctores aliunde mag-
 na cum solitudine et impensis accersiuit, erectam
 scholam, et professoribus ornatam liberalissime dis-
 tauit, literis confirmauit, priuilegijs locupletauit,
 docentes et discentes vt pater fouit: eo
 deniq; omnes nervos intendit, vt summa

B iij

fin

sinceraq; religionis in his regnis & prouincijs concordia seruaretur: quo sancto studio Dauidis, Ezechiae, Iosiae, Theodosii exempla non equasse, sed superasse propemodum mihi videtur. Nam vt Dauid summum gaudium duxit vna cum suis subditis in Ecclesia Deum celebrare: Sic noster Rex de quo verba facimus se alijs exemplum statuit, sacras ministerij diuini edes visitauit: illic cum alijs Deum celebrauit, preces fudit, gestibus totius corporis animi pietatem significauit, sepeq; graui afflictus valetudine id praestitit: neq; hoc immerito. Nam in vera pietate sitam esse optimè nouit, tum animae propriae, tum Reipublice cui praefuit salutem. Non iudicauit sicuti multi, pro dolor, faciunt, sanctitatem, pietatem et religionem priuata bona esse, quacq; iuuat ire regibus permissum: sicuti ille in Tragoedia impiè dixit, Sed suum officium statuit esse, alijs, vt ceteris virtutibus: ita etiam pietate antecire. Atq; haec breuiter sint notata de altero officio pñ principis, quod in religionis cura cernitur: in quo nullo Regum aut principum totius mundi inferior fuit hic noster Rex & Pater patrie quemadmodum res ipsa loquitur, & pñ omnes qui ipsum norunt testantur. Nam vbi quæso terrarum, tantus in religione consensus? Vbi melior administrandæ reipublice Ecclesiasticæ ratio? quæ vnquam heresis hoc sanctissimo Rege gubernante hic est orta? quæ aniles disputationes in religione sunt hic motæ? quis Anabaptistis locus? Quæ Suermeris sedes? Hæc omnia secundum Deum, sanctissima principis cura effecit.

effecit. Sciuit enim prudenter exiguum fermentum
totam massam acidam reddere, et minimam erroris
labem plurima mala ac scandala accersere. Hanc
curam si multi principes parem cum illo habuissent
ut minus dissentionum esset in multis nationibus
ita plus sanctę & pię concordię tum inter docentes,
tum inter principes & subditos. Sed hæc Deo emendanda relinquimus. Nunc ad tertium officium
pñ principis accedamus, quod in proprię domus
sancta & pia cura administrationeq; positum est.
Nam ut iuxta Pauli sententiam, infideli deterior est
qui propriam familiam negligit: Ita sancta cura &
diligens in sua propria domo gubernatio, argumē-
tum est animi optime erga Rempubicam affecti.
Nemo enim publica amare putatur, qui propriam
domum non recte administrat. Paucis igitur qualis
huius sancti principis cura in privata familię gu-
bernatione fuerit, videamus. Quo singuli nostrum
ad acre rite regendę familię studium excitemur.
Non qđ eā qua ipse excelluit, assequi valeamus; Sed
ut hoc præclaro exemplo proposito annitamur, pro
viribus quisq; suis ut aliquousq; saltem progredia-
mur. Primum itaq; voluptates, quas non solum pri-
uatis verumetiam principibus viris perniciosas esse
sciret, perpetuo fugit ut pestes. Id autem quia dif-
ficilius est in ijs qui opibus & potentia abundant
maiore laude dignus iudicandus est princeps tempe-
rantissimus, qui non seruiuit turpiter, sed imperauit
potius genere voluptionibus. Hic principum, no-
bilium, ignobiliū, cleri, vulgi cōmune & inueteratum
C malum

malum, ebrietatem exosam habuit: Non enim ignorauit perinde se habere mentem hominis turbatam ebrietate, atq; se habet currus excusso auriga. Deinde nullum admisit luxum principe pio indignum, Sed statum regium in Oeconomia Magnifice tuebatur. Præterea ut in republica non fuit Leo, sed potius blandissimus pater: Ita in sua propria familia sanctissimam curam adhibuit, ne quid designaret, quod parum deceret pium patremfamilias: imo sanctissimi Davidis imitatus est exemplum, qui in sua Domo & Pater & Propheta extiterit. Castissimam coniugem, illustrissimam Reginam Dorotheam dominam nostram clementissimam vera storga complexus est. Liberos suos illustrissimos principes in timore Domini & sancta disciplina educauit. Familiam charam habuit, adeo ut ipsum singuli non tam timerent seruiliter, quam amarent liberaliter, omnibus seipsum pietatis, sobrietatis, & aliorum piorum exercitiorum exemplar exhibuit. Mane finita oratione sua ad Deum pro Ecclesia, Republica & propria domo, aut alium concionantem audiuit summa cum pietate & deuotione (Non enim iudicauit se hominis vocem audire, sed Deum loquentem per hominem) Aut ipse suis concionatus est, id quod ab eo frequentissime factum esse constat. Non enim putauit se dedecere, quod laudi ascribitur alijs sanctis Regibus, Davidi, Solomoni, Ezechiae, Iosiae, & similibus non quidem multis, ut vera fatear, sed paucis admodum qui

voce

voce cœlesti approbati sunt. Nam qui pius esse
velit, siue in Magistratu sit, siue priuatam agat
vitam, non tam numerum multorum quam ex
cellentem paucorum pietatem spectare debet.
Nunq̃ enim quę optima sunt, placere nisi pau
cissimis. Vt enim malis exemplis (vt est in pro
uerbio) terra mareq; plena sunt : ita pauci exis
tunt , qui asperam virtutis viam calcant. Ve
rum postquam oratione , concione , cantione &
se ipse erexisset & alijs pietatis exemplum præbu
isset libellos supplices manu propria accepit, legit,
responsa dedit, nec calamitatem vllius contempsit,
Sed placide querelas audiuit, & aut statim præ
sens auxilium tulit, aut animum afflictum le
uauit consolationibus, iubens certo tempore re
dire. Non durus erat calamitosus sicuti multi ig
nari rerum futurarum fortisq; communis, sed
gratus erat, amabilis, affabilis, summe suauis,
multa largiens, Nihil afflictis petentibus recu
sans. Ex quo quidem factum est, vt omnes ipsum
Patrem patrię, singuli vero vt proprium pa
trem amauerint. Omnibus his ritę & fideliter
peractis ad prandium se contulit, ad quod vt
plurimum vocare solitus fuit, aut aliquos ex sapi
entibus regni consiliarijs, cum quibus de Reipublicę
statu amāter placide et prudenter confabulabatur,
aut aliquos ex doctis concionatorib⁹, siue alios quorū
doctrina conspicua fuit, adhibuit: Cum quibus aut
de Historijs disseruit, aut de religione pię disputauit

C ij

Vnde

Vnde multiplicem fructum reportauit. Primum enim audiendo alios sapientior ipse euasit. Non enim ignorare potuit prudentissimus princeps ex conuersatione sapientum, sapientiam accrescere, id quod etiam factitasse ante illum constat, quotquot præclare imperia administrarunt: Cum contra, fugientes sapientum colloquia, regna parta misere perdidisse testantur historie. Deinde qui cum eo familiarius vixerunt, non solum ipsi suum Regem ardentius amarunt: Sed etiam ipsius sanctissimos mores imitari didicerunt, non sine ingenti multorum commodo. Tertius fructus quem ex eo percepit quod sapientum familiaritate oblectatus sit, præsertim in prandijs & coenis est quod ipsius illustrissimi liberi inde a primis incunabulis sapientis gubernationis, & perpetue durantis pietatis præcepta perceperint, hauserint, imbiberint. Alexander magnus predicatur quod sapientiã ab Aristotele didicerit. Hiero, Pindarum & Simonidem agnouit magistros. Sed illi vt homines priuati, quod docuerunt verbis, facitis nequaquam demonstrare potuerunt: quæ duo ad recte docendum requiri omnium sapientum suffragia consentiunt. Ideam boni principis & veluti *ἡλικία* cogitarunt isti, at hæc domestica schola pietatis & sapientiæ non solum Regulam, verumetiam viua & illustria exempla quotidiana habuit. Multo ergo rectius scientia gubernandi ab eo disci potest, qui ipse non solum tenet scientiam gubernandi, sed etiam exemplum exhibet se ipse viuum sapientis gubernationis. Similiter & pietas rectius percipi nequit,

quit, quam ab eo Magistro qui non solum de pietas
te verba facit, Sed pietatem factis exprimit & des
monstrat. Fœlices ergo putandi sunt illustrissimi
principes, Filij huius sanctissimi Regis, quibus non
solum contingit pater isq; Rex potentissimus, Sed
etiam sapientiæ & pietatis doctor & exemplum, a
quo sapientiam & pietatem didicisse potuerunt,
quod eos etiam fecisse nemini dubium est. His acces
dit quartum commodum, quod fœlices videantur
futuræ illę Respublicæ, quibus gubernandis tanti
Regis adeo sapientis & pñ liberi præfecti fuerint gu
bernatores. A prandio regio quoties publica nego
tia non prohibebant, oblectavit se pius princeps nūc
lectione sacra, nunc historijs, nunc pñs cum suis libe
ris colloquijs, nunc rebus mathematicis, quibus mi
rum in modum afficiebatur: Summum enim oblec
tamentum sapienti principi fuit cursus planetarum
& aliorum siderum cœlestium contemplari, idq; in
instrumento Mathematico, quale ante nostra secula
visum non fuisse multi prædicant, ibi admiratus
est sapientiam artificis Dei, & qd ex sacris libris de
potentia & sapientia Dei cognoverat, id in mundi
admiranda machina tanq̃ in speculo contemplaba
tur, non sine gratiarum actione. Nam vt David ad
mirans huius mundi pulcherrimum ordinem ait:
Cæli enarrant gloriam Dei, & simul rapitur spiri
tu ad contemplandum Ecclesiam in qua Christus
verus Sol lucet: Ita Paulus testatur fide intelligi ap
tata esse secula verbo Dei, vt ex inuisibilibus visibi
lia fierent, significans neminem proficere ex cons

C iij

tem

templatione naturæ ad Deum ritè colendum, nisi
si prius fidei lumine fuerit illustratus. Attulit ergo
Rex sanctus fidei lumen, ac diuinitatis sapientiam
& potentiam pia cum voluptate in
mundi machina contemplatus est. Vesperis facta
cœna, & Paululum oblectatus musica (hanc
enim amauit tanq̃ ordinis statuum hominum &
officiorum in bene constituta Republica iucunda
dissimam imaginem admiratus est) nunc lectio
ni se dedit, ipse, nunc alios legentes ac potissimum
diuini verbi precones, quos semper ferè apud
se habuit, audiuit. Deinde factis ad Deum
precibus quemadmodum mane facere consueuerat
se quieti tradidit, cogitans de æterna requie,
quæ has ærumnas præsentis vitæ excipiet.

Hic fuit cursus vitæ sanctissimi Regis 23. Annis
tanto enim tempore regnum Danię sua sancta cura
summiscq̃ laboribus administravit. Summa fuit
eius cura in gubernatione ciuili, precipuum religionis
studium, sancta & innocens domestica disciplina.
Quæ virtutes non solum ipsum commendabiliorem
suis reddiderunt subditis, Verum etiam plurimos
peregrinos, principes & alios in eius admirationem
excitarunt, adeo vt p̃i omnes ad eum tanq̃ omnis
pietatis & honestatis viuam imaginem respexerint.
Hæc habui, quæ hoc tempore de Serenissimo Rege
nostro Christiano eius nominis tertio dicenda iudicaui.
Nam de exitu ipsius ex hoc calamitoso mundo in
quo se heroicum virum in constantia & fide Christiana
exhibuit Deo
à quo

à quo accepit, & regnum & animam commens-
dans, nolo quicq̃ dicere, propterea quod charissimus
meus collega Doctor Iacobus Bordingus, qui tum
præsens ei adfuit mortis eius historiam planissimam
contextuit. Quare nos tantum volo in fine huius me-
orationis admonitos, vt Deo agamus gratias, non
solum quòd adeo pium nobis dederit Regem, qui
vt in gubernatione erat iustissimus: ita sanctissimis
suspicijs animam hinc discedens Deo commendauit,
Verumetiam quod Filium illustrissimum princi-
pem Dominum Fredericum Dominum nostrum
clementissimum, nobis dederit in regnis paternis
successorem, Qui vt paternis insistit vestigijs: ita
non dubito foelicem & salutarem fore administ-
rationem, modo nostra peccata tantum bonum
non impedierint. Agamus igitur seriam poeniten-
tiam, & Deum precemur, vt velit suam Eccle-
siam in his regnis conseruare post hac, quemad-
modum hoc sancto Dauide nostro regnante fe-
cit. Te igitur Deum Patrem Domini nostri Iesu
Christi toto pectore rogo, vt nostrum electum
Regem illustrissimum principem Dominum Fre-
dericum tuo dones Spiritu, cumq̃ gubernes vt
paternis vestigijs insistat, & nos propitius respi-
cias vt & te veris colamus cultibus Regemq̃
nostrum sanctissimi patris illustrissi-
mum filium veris honore-
mus obsequijs.

ELEGIA IVARI

Bartholini.

Quæ regio in terris nostri non plena doloris ?
 Hæc mala quæ fando temperet à lachrimis ?
 Occidit ah Patriæ pater, occidit altera Danis
 Spes, & principibus gloria prima viris.
 Nam modo Christigerum tali de nomine Ternum,
 Tristia Danorum fata tulere ducem.
 Flere iuvat, minuent lachrimæ fortasse dolores,
 Accipite ô luctus ventus & aura meos.
 Hemmingus doctis simul hic singultibus auras
 Implet, & ô nimium tristia, fata dolet.
 Multa gemens, Regis pietatem narrat & acta,
 Acta per extremas cognita Thermopylas.
 Iusticiæ studium, placidæ post pacis amorem
 Munificumq; simul prædicat ingenium.
 Sic tenui gemimus defunctum carmine Regem
 O Regem studiis portus & aura meis.
 Quis memoret quanta cum dexteritate tot annos
 Rexeris imperio Danica sceptrâ tuo ?
 Iam te post cineres totus mirabitur orbis
 Flebit & ablatum Danica terra Ducem.
 O dolor, ô lachrimæ, quos attulit illa dolores
 Lux quæ Christigeri nuncia mortis erat ?
 Tu tamen æternum Christo cum semper amato
 Rex fruire æternis Maxime delicijs.

2103.

RI

doloris.
lachrimis.
era Danis
na viris.
mine Ternum,
nem.
He dolores,
meos.
ibus auras
lolet.
e & acta,
rmopylas,
morem
ium,
e Regem
eis.
te tot annos
uo?
rbis
ucem.
doloris
tis erat?
per amato
s.